

ხელშეკრულება N რფ/41
სახელმწიფო შესყიდვების შესახებ
დაფინანსების წყარო რუსთაველის სამეცნიერო ფონდი

ქ. თბილისი

15 დეკემბერი 2016 წელი

ერთის მხრივ, ა(ა)იპ „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი მისი დირექტორის თამაზ დარჩიძის სახით და მეორე მხრივ შპს „N & M“ (შემდგომში „მიმწოდებელი“), წარმოდგენილი მისი დირექტორის შალვა ლომთაძის სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, გამარტივებული შესყიდვის ფორმით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საქართველოს ეროვნული ბოტანიკური ბაღისათვის ბეტონის ამრევი დანადგარის სახელმწიფო შესყიდვა (შემდგომში საქონელი) CPV (43400000 - მინერალების დასამუშავებელი და სამსხმელო ფორმების მოდელირების მოწყობილობები

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 800 (რვაასი) ლარს.
2.2. ხელშეკრულების ჯამური ღირებულება მოიცავს მიმწოდებლის ყველა ხარჯს.

3. ანგარიშსწორების ფორმა და ვადები

- 3.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
3.2. დაფინანსების წყარო - რუსთაველის სამეცნიერო ფონდი
3.2. შემსყიდველის მიერ საქონლის მიწოდების ანაზღაურება მოხდება მიმწოდებლის მიერ მიღება ჩაბარების აქტის გაფორმებიდან 10 (ათი) სამუშაო დღის განმავლობაში.

4. მიღება-ჩაბარების წესი

- 4.1. საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
4.1. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს სამეურნეო და მატერიალური უზრუნველყოფის განყოფილების უფროსი ვალერი თოფურია.

5. საქონლის მიწოდების ვადა

- 5.1. საქონლის მიწოდების ვადაა ხელშეკრულების გაფორმებიდან 2016 წლის 23 დეკემბრის ჩათვლით.

6. ხელშეკრულების შესრულების კონტროლი

- 6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
6.2. შემსყიდველის მხრიდან ინსპექტირებას გაუწევს ბოტანიკური ბაღის სამეურნეო და მატერიალური უზრუნველყოფის განყოფილების უფროსი ვალერი თოფურია.
6.3. შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.



7. მხარეთა უფლება-მოვალეობები

- 7.1. შემსყიდველს უფლება აქვს შეამოწმოს საქონლის შესაბამისობა ხელშეკრულებით გათვალისწინებულ პირობებთან და განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 7.2. შემსყიდველი ვალდებულია აუნაზღაუროს მიმწოდებელს მოწოდებული საქონლის ღირებულება წინამდებარე ხელშეკრულებით გათვალისწინებული პირობებით.
- 7.3. მიმწოდებელს უფლება აქვს მოსთხოვოს შემსყიდველს მოწოდებული საქონლის ღირებულების ანაზღაურება ხელშეკრულებით გათვალისწინებული პირობებით.
- 7.3. მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში.
- 7.4. მიმწოდებელი ვალდებულია ანგარიშსწორებისას მიუთითოს ფაქტიურად მიწოდებული საქონლის ღირებულება და წარმოადგინოს შესაბამისი დოკუმენტაცია.

8. ხელშეკრულებაში ცვლილებების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3. პუნქტით გათვალისწინებულ გადაწყვეტილების მიღების განზრახვის შესახებ.
- 8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 30 დღის განმავლობაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების ენა და მოქმედების ვადები

- 11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი



პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2. ხელშეკრულება ძალაში შედის ხელმოწერიდან და მოქმედებს 2017 წლის 30 იანვრის ჩათვლით.

12. სხვა პირობები

12.1 შესყიდვის ობიექტს სრულფასოვანი ფუნქციონირების საგარანტიო ვადა განისაზღვრება საქონლის მიწოდებიდან არანაკლებ 1 (ერთი) წლის ვადით;

12.2 საგარანტიო პერიოდში ინსპექტირება ხორციელდება ხელშეკრულების შესრულების ნებისმიერ ეტაპზე, საქონლის მიწოდებისას და აგრეთვე ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის შემთხვევაში;

12.3 საგარანტიო პერიოდში ექსპულატაციის პროცესში, მექანიკური დაზიანების გარდა, წარმოქმნილი ხარვეზების არსებობის შემთხვევაში, შემსყიდველი წერილობით ან/და ელექტრონული ფორმით აცნობებს მომსახურების გაწევის საჭიროების შესახებ მიმწოდებელს. მიმწოდებელი მისი წარმომადგენლის მიერ საკუთარი ხარჯებით (ტრანსპორტირების ჩათვლით) შეტყობინებიდან არაუგვიანეს მესამე სამუშაო დღისა ახდენს რეაგირებას. საჭიროების შემთხვევაში ორი სამუშაო დღის ვადაში დგება დეფექტური აქტი, რომელიც მოიცავს შესასრულებელ სამუშაოებს და მათ ხანგრძლივობას. სერვისის მომსახურება განხორციელდება არაუმეტეს 10 (ათი) კალენდარული დღის ვადაში თუ ასეთი პროდუქციისათვის საჭირო სათანადო ნაწილები მიმწოდებელს აქვს ადგილზე (საწყობში), წინააღმდეგ შემთხვევაში დეფექტური აქტით განსაზღვრულ გონივრულ ვადაში.

12.4 იმ შემთხვევაში თუ საქონელი არ ექვემდებარება შეკეთებას, იგი უნდა შეიცვალოს ახლით.

მხარეთა რეკვიზიტები

შემსყიდველი:

ა(ა)იპ - საქართველოს ეროვნული
ბოტანიკურ ბაღი

მის: ქ. თბილისი, ბოტანიკური ქ. #1

ს/კ: 404405960

ბანკი: სახელმწიფო ხაზინა

ბანკის კოდი TRESGE22

ანგ. #741 887 499



მიმწოდებელი:


შპს N & M

ს/კ: 400020623

ბანკი: თიბისი ბანკი

ბანკის კოდი: TBCBGE22

ანგ. #GE 72TB 7526 9360 8010 0001



ხელწერილი
ინტერესთა კონფლიქტის არარსებობის შესახებ

ქ. თბილისი

15 დეკემბერი 2016 წელი

ვადასტურებთ, რომ არასამეწარმეო (არაკომერციული) იურიდიული პირი საქართველოს ეროვნულ ბოტანიკურ ბაღისათვის ბეტონის ამრევი დანადგარის სახელმწიფო შესყიდვის საქმიანობაში, ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ კანონის მე-8 მუხლის მე-4 პუნქტს.

ა(ა)იპ საქართველოს ეროვნული ბოტანიკური ბაღის
დირექტორი
თამაზ დარჩიძე



დირექტორის მოადგილე
ვახტანგ გაბიძაშვილი



შესყიდვების კოორდინატორი

რუსლან მამარდაშვილი

h. 76
